

壬戌玉冊文


DS
915
.15
C454
1862
EAST
Rare



壬戌

純祖大王玉冊文

DS
915
115
C454
1862
ZAST
Rare



維歲次壬戌正月甲申朔

初九日壬辰孝子嗣王

臣

昇謹再拜稽首

上言伏以

駿惠弘敷於永世光啓靈圖

鴻號丕隆於正元式修鉅典
庸撫象行祇率彝儀恭惟

皇考純祖淵德顯道景仁純禧
體聖凝命欽光錫慶繼天配極
隆元敦休懿行昭倫熙化峻烈

大中至正洪勲哲謨乾始泰亨
昌運弘基文安武靖英敬成孝
大王徽柔懿恭之

姿逸明博大之治

昌期符降聖之運先庚後庚

冲齡纘恤宗之基君子孝子
有儀可象有威可畏出入
起居罔不欽致慤則著致
愛則存禴祀烝嘗是用享
義理則嚴鈇鉞之飾惟茲

罔或干憲章則戒琴瑟之
更曰吾有所受前聖後聖
之傳心法發以為風雅典
謨左史右史之記動言昭
然合準繩律度猗歟

垂拱穆清之上。驗諸政令。施
措之間。焚內司之案。蠲內
廚之供。皆得養於鰥寡孤
獨困窮者矣。靖西州之難
關。西洋之學。孰能與於聰

明睿知神武也夫惕修省
於灾祲應天不以文以實
議振貸於隔并制民而無
飢無寒源萬化澄一心用
極工於燕涓蠆獲親九族

章百姓覃深恩於蠕蠕肖
翹肆闔澤普洽於八紘迺
休治莫隆於三紀亶亶之
令聞不已文王之文蕩蕩
之至德難名大舜有大宏

基奠靈長之業至今日式
克休沒世物樂利之思自
生民未有盛梧雲跡斂廓
太虛之莫攀草暉誠潏慨
三春之難報值茲太歲之

在戊悅然吉辰之適丁塗
山啓興夏之基辛壬尚記
洽陽緬造梁之禮甲子重
回百兩之盛儀如瞻頌風
化之攸始千乘之隆養靡

逮攬星紀而何懷遂推永
言之思爰采大同之議追
遠報本孝以顯親為先酌
古參今禮者緣情而起以
其時考則可矣於予心得

無校乎檢繩塗泥非無四
五次揚厲測彙蟲窺管曷云
萬一分形容闡

丕烈而齊崇備彌文而殷薦
中庸廣大淵博地厚之并

稱爲寶輝光玉粹金精之

合義謹奉

冊寶追上

尊號曰

高明博厚剛健粹精伏惟

光膺隆賁默垂監臨

陟降於昭俾昌俾熾俾耆艾

啓佑以正命哲命吉命歷

年臣稽首再拜

上言

